


PAPILAHUNGU RA XIRHO



2020 VUMBIRHI EDITION



HUNGU RO HUMA EKA PO

Eka Swirho

Swa tika ku tshembha leswaku 2020 se ya hela naswona rive lembe rin'wana. Hi ku yimela Nkwama, ndzi tsakela ku rhumela hungu ro chavelela eka lava va nga lahlekeriwa hi varhandziwa va vona hikwalaho ka COVID-19 naswona ndzi khongela leswaku lava va nga khomiwa hi xitsongwatsongwana va hatla va hola. Ntungu lowu wu onhele misava hinkwayo hi ndlela yo biha naswona hi tshembha leswaku leswo tika se swi

hundzile. Leswi a swi aleriwa hi nkarhi wa ku pfiariwa ka tiko se swi hungutiwile swinene, kambe xitsongwatsongwana xona a xi se hela. Yanani emahlweni mi ti hlayisa hi ku tisirhelela no sirhelela lava nga ekusuhi na n'wina.

Loko mi ri ku tivutiseni hilaha COVID-19 yi nga khumba hakona mimbuyelo ya n'wina ya tiphenxeni, hi katsile na mahungu lawa mi faneleke ku ma tiva hilaha COVID-19 yi nga khumba hakona eka mimbuyelo ya n'wina ya tiphenxeni.

A hiri karhi hi tirha hi nkarhi lowu ntungu a wu ri ku tikiseleni, ku tiyisisa leswaku swivutiso swa hlamuriwa hi nkarhi. Loko ndza ha vule sweswo, ha tsaka ku va hi kota ku mi pfuna na vavuyeriwa va n'wina hi swivutiso hi karhi hi vonana eswikandzeni hikwalaho ti senthara ta hina ta ku ta kuma ku pfuniwa kona se ti tirha hi ku hetiseka.

Nakambe hi na mahungu mo tsakisa swinene ku avelana wona na n'wina eka phephahungu mayelana na nongonoko wa mivuyelo ya Masibambisane. Hi 2018 hi endlile ndzavisiso wa makete naswona mbuyelo wu kombe leswaku swirho swa hina swi tsakela leswaku ku va na nongonoko wa vutshembheki. Ha tsaka ku mi tivisa leswaku nongonoko wa vutshembheki se wu kona! Hlaya swo tala hi wona eka papila ra 2. Leyi i ndlela ya hina yo khensa ku va mi hlawule MWPF, naswona hi langutele vuxaka byo leha no vuyerisa na n'wina.

A ku ri ntsako eka mina ku va ndzi tirhile tanihi PO wo Khomela eka tin'hweti ta tsevu leti nga hundza naswona ndzi tsakela ku teka nkarhi lowu ndzi amukela PO lowutshwa ku nga Tatana Frans Phakgadi loyi a nga sungula ku tirha eka nkwama hi ti 01 Nhlangua 2020. Ha tsaka ku va na yena naswona ndza swi tiva leswaku u ta tisa swa nkoka leswinene eka Nkwama.

Xo hetelela, hi tshembha leswaku mi ta kuma phephahungu leri ri mi khomele na mahungu ma kahle. Lembe ra 2020 a ri sungulanga hilaha a hi kunguhate hakona, kambe a hi tirhiseni nkarhi lowu nga sala ku ri heta hi matimba.

Marungula lamanene eka n'wina na mindyangu ya n'wina.

Wa n'wina

Amma Amparheng Mukhomeri wa PO na CFO

Ku tivisiwa ka mivuyelo yintshwa ya Masibambisane - pg 2

Muphakeri wa mintirho ya swikweleti swa tiyindlu lowutshwa u ta sungula ku nga ri khale - pg3

Minkwama ya Phenxeni ya Mobilithi - pg 3

App ya MWPF yi fikile - pg4

Xilemuki so xa Vuxisi - pg 5

Vuxisi bya Mbuyelo lowu nga Koxiawangiki - Pg 5

Tiopuxini ta swirho leswi yaka ephenxenini - pg 5

Hinkwaswo leswi u lavaka ku swi tiva hilaha COVID-19 yi nga khumbha hakona nkwama wa minhlayiso ya phenxeni ya wena - pg 6

Ku tivisiwa ka mivuyelo YINTSHWA ya Masibambisane

Miyi komberile kutani hi mi nyika yona! Nongonoko wa Mivuyelo ya Masibambisane wu nyika swirhonkulu na swirho swimbirhi swa ndyangu leswi nga langiwa mfanelo yo kuma swixaviwa leswi nga hlawuriwa na mintshovo eka mavhengele ya Shoprite, Checkers, Boxer na Checkers Hyper.

Swirhonkulu hinkwaswo na swirho swa mindyangu leswi nga langiwa swi nyikiwa mpfumelelo wa ku kuma mintshovo eka tigirosa ta swona hi ku tirhisa tikhuponi ta maphepha na ta dijitali. Kuma xibukwana xa wena eka muyimeri wa wena wa HR kutani u sungula ku hlayisa. Tiva leswaku ku ta va na xibukwana xintshwa lexi nga na swikumiwa swintshwa eka tin'hwetini tinharhu tin'wana na tin'wana nakona swimakiwa swi ta hundzeriwa hi nkarhi endzhaku ka tin'hwetini ta ntsevu.

Makumelo ya mintshovo

1. Xibukwana xa tikhuponi

Tsema tikhupono ta wena loko u ya eku xaveni evhengeleni ra ka Shoprite, Checkers kumbe Boxer, kutani u kuma swimakiwa leswi navetisiweke eka khuponi. Nyika muhakerisi khuponi leyi nga na ximakiwa kutani xikan'wekan'we u kuma ntshovo eka ximakiwa.

Xibukwana xa Mintshovo ya Giroso xa Mivuyelo ya Masibambisane xi fana na mali eswandleni swa wena!

2. Tikhuponi ta Dijitali

- Kuma tikhuponi ta wena hi ku tirhisa mobisayiti: www.mwpprewards.co.za kumbe u dayila*120*207# eka selifoni ya wena.
- Xirhonkulu xi nghena hi ku tirhisa – Nomboro ya Indhasitiri.
- Xirho lexi langiweke xi nghena hi ku tirhisa – nomboro ya pasi.

- Langutisa kutani u chela ximakiwa xa khuponi ya wena leyi u yi hlawuleke ebasikitini.
- Ku kuma ntshovo eka khuponi ya wena, tlilika eka “My Basket” kutani “Check out Basket”.

Famba na SMS ya tikhuponi ta wena loko u ya eku xaveni emavhengeleni ya nhlengelo ya ka Shoprite kumbe Checkers. Nyika muhakerisi khodi ya khuponi leyi nga na ximakiwa kutani xikan'wekan'we u kuma ntshovo eka ximakiwa. Tiyisisa leswaku u kuma ximakiwa lexi nga lulama (Sayizi, Vito ra Ximakiwa, Leswi xi nga hlamuserisiwa swona) leswaku u kota ku tshoveriwa eka xona.

Leswi u faneleke ku nyikisa swona swirho swa ndyangu wa wena Mivuyelo ya Masibambisane

Xirho xin'wana na xin'wana xa MWPF xi nga nyika swirho swa ndyangu swimbirhi mpfumelelo wo tirhisa Mivuyelo ya Masibambisane. Hi ndlela leyi:

Opuxini ya vu1

Rhumela SMS leyi nga na nomboro ya indhasitiri ya wena, nomboro ya ID ya xirho xa ndyangu na nomboro ya selefoni ya xirho xa ndyangu eka 49967. Ku hlawula xirho xa ndyangu xa vumbirhi, vuyelela leswi nga laha henhla hi vuxokoxoko bya xirho xa ndyangu xa vumbirhi.

Opuxini ya vu2

Bela riqingo eka senthara ya tiqingo ya MWPF eka 010 100 3000 Bana *120*207#, nghena kutani u hlawula “nominate a family member”, kutani u landzelela swilelelo.

Ku xava ka ntsako!

MUPHAKERI WA MINTIRHO YA SWIKWELETI SWA tiyindlu lowuntshwa u ta sungula ku nga ri khale

Hi tsaka swinene ku mi tivisa leswaku hi thorile First National Bank (FNB) tanihi yin'wana ya vaphakeri va mintirho ya swikweleti swa tinyindlu swa hina ku mi nyika ntshuxeko wo hlawula tanihi muphakeri va mintirho wo tatisa eka lava nga kona eka nkarhi wa sweswi. Na FNB tanihi muphakeri wa mintirho lowuntshwa swi vula leswaku mi ta va na nkateko wo fananisa no hlawula leswi fikelelaka swilaveko swa n'wina.

Na FNB mi nga tiphina hi swinyikeriwa leswi landzelaka:

- Ntswalo lowu vekiweke lowu fambisana na tichaji ta nkarhi wolowo (Phurayimi ku susiwa 0.5%)
- Mali leyi hakeriwaka kan'we ntsena emasunguleni ya R490 ku katsa na VAT
- Hakelo ya vufambisi ya n'hwetlwa ya R69.00 ku katsa na VAT
- Nkarhi wo hakela wa makizimamu i 20 wa malembe (240 wa tin'hwetlwa)
- Ku hlawula ku hakeleriwa xikweleti loko u va eka xiyimo lexi u nga ha kotiki ku hakela xa R2.49 hi R1 000.00. Hakela ya n'hwetlwa yi sirhelela ku vuyeriwa loko landzelaka:
 - o Ndzindzakhombo wa rifu – Ntsengo hinkwawo lowu nga sala
 - o Ndzindzakhombo wa Vutsoniwa bya Makumu na byo Helela (PTD) –Ntsengo hinkwawo lowu nga sala.
 - o Ndzindzakhombo wa ku Tsemiwa entirhweni - Wu hakela ku fika eka 12 wa switolomende.
 - o Ndzindzakhombo wa Vutsoniwa bya Nkarhinyana na byo Helela (TTD) - wu hakela ku fika eka 12 wa tin'hwetlwa kumbe ku fikela loko ku nga ha ri ki na vutsoniwa, xin'wana xa swona lexi nga koma hi nkarhi.



Hi ta mi tivisa hi siku ro sungula hi rona ku nga ri khale na hi endlelo ro endla xikombelo xa xikweleti xa yindlu. Eka nkarhi wa sweswi, loko u ri na swivutiso swo karhi, u komberiwa ku tihlanganisa na senthara ya hina ya tiqingho eka 010 100 3001.

Minkwama ya Phenxeni ya Mobilithi



Ha tsaka ku va eka xiyimoxo xa ku nyika mimbuyelo ya swirho leyi nga endleriwa ku fikelela swilaveko swa vona. Xikongomelo xa hina i ku endla ku hambana evuton'wini bya wena, nkarhi wo leha endzhaku ka loko u yile ephenxenini naswona ha tsaka ku tivisa leswaku u tlakusiwile ku suka eka yuniti yin'we ku ya eka leyn'wana, a wu laveki ku va u cinca vuxirho bya wena eka nkwama. Hi marito man'wana, u ta tshama na MWPF naswona u ya emahlweni u tiphina hi mimbuyelo ya xiyimo xa le henhla.

Ku yisa emahlweni, loko ku ve u tshame u tlakusiwa naswona u hundziseriwa eka nkwama wo hambana, u ta pfumeleriwa ku vuyela eka nkwama wa wena wa masungulo.

U nga va xirho xa MWPF vutomi hinkwabyo hambi loko wo tlakusiwa.




App ya MWPF yi fikele


Ha tsaka ku ku tivisa leswaku app ya hina leyintshwa se ya tirha. Se u nga fikelela switatimembe swa mbuyelo, maphephahungu na swo tala ku suka kwala ka selifoni ya wena.

Ku fikelela app, u nga yi downloda eka Google Play Store eka foni ya wena ya android.


Endzhaku ko hlawula "Play store" secha "Mineworkers Provident Fund" naswona u hlawula "Install" hilaha swi kombisiweke eka xifaniso lexi nga laha hansi.



1 Endzkaku ka loko opuxini ya "Install" yi hlawuriwile ku ta kombiwa xikirini lexi nga laha hansi.



3 U ta kota ku loga ini hi ku tirhisa vuxokoxoko byo loga ini bya nkarhinyana lebyi Nkwana wu nga ta ku rhumela hi SMS. Eka ku loga ini, ku ta humbelela "Forgot Password?" leyi nga ta lava leswaku u nghenisa tinomboro ta wena ta riqingho leti tsarisiweke kumbe imeyili. U ta rhumeriwa Phasiwedi ya Nkarhi Wolowo (OTP) hi SMS kumbe imeyili. Nghenisa OTP leyi u nga yi kuma. Loko se phasiwedi yi cincibe swi hetiseka, u ta hundzela eka ku loga ini hi phasiwedi ya wena leyintshwa.



2 Loko app yi hetile ku downloda eka foni ya wena, ku ta kombiwa xikirini lexi nga laha hansi.



4 Loko se u loge ini u ta kota ku endla phurofayili ya wena na ku vekela xifaniso loko u xi tsakela. U ta thlela u kuma na xitatimende xa mbuyelo, nkoka wa vuvekisi na ku kota ku cinca vuxokoxoko bya wena ku fana na adirese, nomboro ya selifoni na vavuyeriwa . U ta thlela u kota ku vona vuxokoxoko hi mbuyelo wa swa rifu, mbuyelo wa vutsoniwa, mbuyelo wa phenxeni, mbuyelo wo tshikiwa ntirho, mbuyelo wa Muholo wa Vutomi na Nongonoko wa Mivuyelo ya Masibambisane.

Se sweswi u ta va na mahungu hinkwawo lama u ma lavaka etintihweni ta wena. Loko u ri na swivutiso u nga hi fowunela eka 010 100 3000.

XILEMUKISO

XA VUXISI

Hi Mudyaxihi hi rhumerile hungu ra xilemukiso hi nghingiriko wa vuxisi lowu a wu endlwiwa laha swirho leswi swa ha ku humaka phenxeni naswona swi languterile hakelo yo huma eka MWPF swi nga fowuneriwa hi vaxisi va ti endla onge i vayimeri va MWPF. Swirho leswi a swi komberiwa ku tima tiselifoni ta swona xikarhana va thlela va ti lumeka. Vaxisi lava ava endlwela leswaku swirho swi ta ka swi nga voni mahungu yo huma eka tibangi ta swona ya mali leyi a yi humesiwa eka tiakhawunti ta swona.

U komberiwa ku lemuka leswaku MWPF a yi nge pfuki yi fowunile kumbe ku kombela swirho ku tima tiselifoni ta swona. Nakambe a hi nge pfuki hi kombele swirho ku tiyisisa vuxokoxoko bya swona bya le bangi. Hi kombela leswaku u va na vuxiyaxiya naswona loko u nga tshembhi kahle foyini leyi nga ku fonela, tihlanganise na hina eka 010 100 3000, ku tiyisisa.



Ha swi tiva leswaku ku na tikhamphani to hlaya ta vuxisi leti xisetelaka khale ka vatirhi va le mayini ku va va tshembha onge ku na mali leyi nga koxiwangiki ya vona. Khale ka vatirhi lava va endlwiwa va tshembha leswaku tikhamphani leti ti ta va endlwela swikoxo swa vona kambe va komberiwa ku hakela mali yo endlwela swikoxo swoleswo. I swa nkoka ku lemuka leswaku MWPF a yi lavi ku hakeriwa ku cheka loko khale ka mutirhi wa le mayini a ri na mimbuyelo leyi nga si koxiwaka.

Kumbe ku lava ku hakeriwa ku tarhana na xikoxo xa mimbuyelo leyi nga si koxiwaka. Lava va lava ka ku cheka loko ku ri na mimbuyelo leyi kayivelaka va nga tihlanganisa na MWPF hi voxwe naswona a swi lavi munhu wa vunhahru. Loko wena kumbe khale ka mutirhi wa le mayini a komberiwa ku hakela, i vuxisi byebyo naswona MWPF a yi xiphemu xa swona sweswo.



Tiopuxini ta swirho leswi yaka ephenxenini


Xana a wu swi tiva leswaku hi nyikela hi switsundzuxo swa mimbuyelo ya phenxeni eka swirho leswi se nkarhi wo ya ephenxenini wu nga tshunela ku tiyisisa leswaku va tiva hi tiopuxini leti va nga na tona endzhaku ko ya phenxenini? Loko nkarhi wo ya ephenxenini wu ri kusuhi hi ntsevu wa tinh'weti, lexi u faneleke ku xi endla i ku rhumela vito ra wena na nomboro ya vutihlanganisi eka 071 887 6515 naswona mutsundzuxi hi swa mimbuyelo ya phenxeni u ta tihlanganisa na wena hi riqingho ku lulamisa nkarhi wa ku va mi hlangana laha a nga ta ku hlamusela tiopuxini ta phenxeni ya wena.

A swi helelanga kwalaho, hi thlela hi nyikela hi nchumu lowu vuriwaka Muholo wa Vutomi laha u kumaka ntsengo wa nh'weti na nh'weti lowu tiyisisiweke hi tirhandi vutomi

bya wena hinkwabyo. Loko u ya ephenxenini u nga hlawula ku teka mali ya wena ya hinkwayo kumbe mali yo karhi ku suka eka nkwama wa wena kutani u tirhisa leyin'wana ku xava ximakiwa xa Muholo wa Vutomixa kumbe u tirhisa mali ya wena hinkwayo leyi nga ka nkwama wa wena ku xava ximakiwa xa Muholo wa Vutomi.

Loko u lova u ri na 10 wa malembe u hume phenxeni, vavuyeriwa lava u va hlawuleke va ta kuma mali hinkwayo leyi nga sala eka timali ta wena.

Loko nkarhi wo ya ephenxenini wu ri kusuhu naswona u tsakela ku kuma swo tala, rhumela 'quote' na nomboro ya wena eka **071 887 6515** naswona mutsundzuxi wa MWPF u ta vuya ka wena.



Hinkwaswo leswi u lavaka ku swi tiva hilaha COVID-19 yi nga khumbha hakona nkwama wa **minhlayiso ya phenxeni ya wena**

1 Xana nkwama wa minhlayiso ya phenxeni ya mina wu khumbheke njhani hi ku pfariwa ka tiko?

Minhlayiso ya phenxeni ya swirho yi khumbheke ku vava hi ku pfariwa ka tiko hikwalaho ka COVID-19. Nkwama wa Phenxeni ya Vatihi va le Mugodini wu tile na qhinga ra vuvekisi bya nkarhi wo leha lebyi nga endleriwa ku kurisa minhlayiso ya wena leswaku u ta ya ephenxenini kahle. Nkwama wu kurisa minhlayiso ya swirho hi ku vekisa ka timali ta wena eka timakete ta timali ku fana no vekisa eka tikhamphani leti nga xaxametiwa eka Johannesburg Stock Exchange na New York Stock Exchange na ku xava ti bondo ta mfumo na byin'wana vuvekisi. Ku sungula ka COVID-19 ku vangile ku chava emisaveni hinkwayo tani hileswi a ku nga ri na loyi a twisisa ntshikelelo wa xitsongwatsongwana lexi eka ikhonomi ya matiko ya misava. Hikwalaho, timakete ta timali ti xavise ku tika exikarhi ka Nyenyenyani 2020 ku fikela ku hela ka Nyenyankulu 2020 kambe ti vuye ti tshamiseka laha Nkwama wa Phenxeni wa Vatihi va le Mugodini wu nga ya ehenhla hi 0.89% ku suka eka nh'weti leyi nga hundza eka siku ra 31 Mhawuri 2020 na ku ya ehenhla hi 5.33% ku suka eka lembe leri nga hundza, hi ga rivali ntshikelelo wa COVID-19. I swa nkoka ku lemuka leswaku rendzo ro kurisa mali i rendzo ro leha leri nga na swiganga na magova. Nkwama wu hlanganile na mhangu yo fana na leyi hi 2007-2008 hi nkarhi wa ku tikeriwa hi swa timali emisaveni hinkwayo laha a swi tika ku fana naswona timakete ti vuyelele evutshan'wini. Hikwalaho, i swa nkoka ku languta eka xikongomelo xa nkarhi wo leha na ku nga kavanyeteki hi timhako it fana na leti leti humelelaka nkarhi na nkarhi.

2 Xana i yini lexi Kwana wu xi endlaka ku sivela ku va minhlayiso ya phenxeni yi hunguteka ku ya emahlweni?

Nkwama wu lawuriwa hi Huvo ya Vafambisi lava nga na vutihlamuleri ku ya hi nawu byo fambisi minhlayiso ya swirho hi vukheta na hi vutihlamuleri. Vafambisi va seketeriwa hi Vatsundzusi vo tiyimela hi voxu va swa vuvekisi lava thoriweke ku tsundzixa no letela vafambisi loko swi ta eka ku lulamisa no endla vuvekisi. Qhinga ra Nkwama ri tirhana na nkarhi wa nxungeto hi ku tiyisisa leswaku xiphemu xa nkoka xa Nkwama xi vekisiwile eka vuvekisi bya nxungeto wa le hansi no sirheleleka. Leswi swi tiyisisa leswaku hi minkarhi yo fana na ya loko tiko ri pfariwile, ntshikelelo eka swirho wu le hansi ka timakete ta timali hi ku angarhela. Nkwama wu ya emahlweni wu hoxa tihlo eka swiyimo na ku teka magoza yo sivela minxungeto leyi wu nga kotaka ku yi lawula.

3 Xana minhlayiso ya mina ya phenxeni yi ta hunguteka ku ya emahlweni?

A swi le rivaleni leswaku ku pfariwa ka matiko ya misava ku ta hela rini na loko minxavo ya lehansi ya timakete ta timali a ko va ka nkarhinyana kumbe ku ta hundziseriwa emahlweni. Loko ku pfariwa ka tiko ko ya emahlweni hi nga vona ku nyanya ka ku ya ehansi ka timakete ta timali loko nga hungutaka minhlayiso ya phenxeni ya wena. Hambiswiritano, ku amukela leswaku timhangu leti nga na minxungeto ti ta humelela nkarhi na nkarhi, i swa nkoka ku languta eka xikongomelo xa nkarhi wo leha.

4 Xana timakete ti ta vuyelela rini evutshan'wini?

A hi swi tiva leswaku timakete ti ta vuyelela rini evutshan'wini kumbe ku twisisa hi ku hetiseka ku onhaka ka nkarhi wo leha ka ikhonomi ya misava hinkwayo hikwalaho ko pfariwa ka tiko. Leswi hi swi tivaka hileswaku timakete ta timali ti hatla ti hlamula naswona mahungu waha kumbe waha ya ku ya ehansi ka Covid-19 eka matiko ya misava hinkwayo swi nga lendla leswaku timakete ti lulamisa ku lahlekeriwa loku hi nga hlangana na kona. Nkwama wu thlela wu landzelela qhinga ra vuvekisi eka swo hambanahambana leswi vulaka leswaku hi minkarhi hinkwayo ku ta va na photifoliyo leyi nga ta va yi ri ku tirheni kahle loko swiphemu leswin'wana swi nga thhi kahle. Hikwalaho, leswi Nkwama wu nga endlisiwa xiswona swi na ku sirhelela ka tindlela leti tirhanaka na mimbangu leyi nga na minxugeto yaleyo naswona thokene yaleyo yi nga ngehenelela eka ku kula loko makete wu vuyela evutshan'wini.

5 Xana ndzi fanele ku endla yini tanihi xirho eka nkarhi lowu?

I swa nkoka ku tshama hi swi ehleketele leswaku minhlayiso ya tiphenxeni i ya vuvekisi bya nkarhi wo leha na lesaku ku va na ku cinca nkarhi na nkarhi eka vuvekisi bya nkarhinyana naswona leswi swi nga va na ku vuyeriwa lokunene na mimbuyelo yo biha ku fana na leswi hi swi vonaka eka nkarhi wa sweswi. Swa laveka leswaku hi nga chavi ku ya ehansi ka nkarhi wa sweswi kambe hi tshama hi langutile eka xikongomelo xo hlayisa phenxeni ya wena.

6 Xana ku humelela yini loko ndzi yima ku hakela eka nkwama wa phenxeni?

Loko u yima ku hakela eka nkwama a phenxeni hi nkarhi lowu wo tika hilaha swi nga pfumeleriwa hi Vulaawuri bya Matikhomelo eka Xiyenge xa swa Timali, nkoka wa nkwama wa wena eka nkarhi wa sweswi wu ta tshama wu vekisiwile eka nkwama naswona vuvekisi byi ta vuyeriwa. A wu nga ngeteli tihakelo eka nkoka wa tihakelo ta wena eka nkarhi wa sweswi. Loko se ntungu wu hela naswona u sungula ku hakela nakambe, nkoka wa nkwama wa wena wu ta ya emahlweni wu kula hi ku hakela ka wena na hi ku vuyeriwa ko huma eka vuvekisi. A ku na mindzihiso kumbe tihakelo leti chajiwaka loko wo yima ku hakela eka nkarhi wa sweswi.

7 Xana ndzi ta onhakeriwa njhani loko ndzi ya ephenxenini hi mahelo ya 2020?

Loko ku ve u ya ephenxenini hi mahelo ya 2020 u ta fanele ku tihlanganisa na mutsundzuxi loyi a nga thoriwa wa Nkwama ku endlala ku kunguhatela phenxeni ya wena. U komberiwa ku tihlanganisa na Nkwama ku lulamisela ku hlangana na mutsundzuxi. Hilaha swi vekiweke laha henhla Nkwama wu landzelela endlalo ra vuvekisi bya mali eka swo hambanahambana ku sivela ku va timali ta swirho ti vekisiwa eka qhinga rin'we. Endlelo leri ra ku hangalasa tinhundzu ta Nkwama eka vuvekisi byo hambanahambana xikan'we na nkarhi lowu u nga vekisa ha wona swi ta ku yika nsirhelelo lowu lavekaka ku hundza eka minkarhi leyi yo tika.

Cinca vuxokoxoko bya wena bya vutihlaganisi

Hi tsakela ku ku tivisa hi leswi hume/elaka mayelana na mahungu ya nkwama.

Tsundzuka ku cinca vuxokoxoko bya wena bya vutihlaganisi ngopfungopfu tinomboro ta riqingho na ta selifoni loko wo cinca vuxokoxoko bya wena bya vutihlaganisi.


Hi ndlela leyi hi ta kota ku ku tivisa hi leswi hume/elaka.



Feyisibuku na Twitter

Hi tlhela hi va na Mapheji ya Feyisibuku na Twitter, lama endlaka leswaku swirho swi kuma mahungu nkarhi nkarhi ya swindleko swa hina hinkwaswo na ma mihluvukiso ya Nkwama. Swivutiso naswona swi hlamuriwa hi xihatla na swimphiqo swi ahluriwa onolayina.

Hi landzeleli eka Feyisibuku na le ka Twitter kutani u kuma mahungu ya sweswisweswi.

 <https://www.facebook.com/mineworkerpf>

 <https://twitter.com/Mineworkerspf>

Hi khutaza swirho hinkwaswo ku ku tirhsa swihlovo hinkwaswo swa MWPF ku hi pfuna ku nyika n'wina swirho vukorhokeri bya xiyimo xa le henhla.

